

Powšitkowne WOZJEWJENJA

njedźelu, 19. februara 2017

Zetkanje samostejacych

Samostejacy ze serbskich wosadow su na swoje přichodne zetkanje wutoru, 7. měrca, w 14 hodź. do Domu biskopa Bena w Smochćicach přeprašeni. Zajimcy njech so prošu hač do srjedy, 1. měrca, w redakciji Katolskeho Posoła přizjewja, telefonowe číslo (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej prošu Wosadnik sobu přinjesu. Tež druhich zajimcow na zetkanju wutrobnje witaja.

Zhromadny dzeń za 5. a 6. lětnik

Pod hesłom „Rěču z Bohom kaž z přećelom!“ přeprašuje dekanatne dušepastyrstwo džěći 5. a 6. lětnika sobotu, 11. měrca, wot 9.00 do 15.00 hodź. do Don Boskoweho domu we Worklecach. Zajimcy njech so prošu hač do wutory, 7. měrca, pod telefonowym číslom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

Kubłanske dny w Schmiedebergu

Wot pjatka do njedzele, 17. do 19. měrca wotměja so kubłanske dny serbskeje młodžiny w Schmiedebergu. Wočakuja Će Boža mša a duchowne impulsy, film a kreatiwita, zabawa a spěw. Přinošk zliči so wotpowědnje zaslužbje młodostneho – šuler/-ka: 15 €, wučomnik/-ca, student/-ka: 17€ a wuwučeny/-a: 21€. Přizjewjenja su hač do srjedy, 22. februara, z mailku na don.boskowy-dom@t-online.de abo na facebookowej stronje www.facebook.com/DekanatneDusepastyrstwo móžne. Wjeselimy so na Was!

Farar Gabriš Nawka, Lucija a deka-kružk

Putniskej jězbje do Roma a do Lourdesa

Tež lětsa přeprašuju zaso zajimcow na putniku jězbu z lětađlom do Roma, a to wot njedzele do štwórtka, 7. do 11. meje. Dalša putniska jězba z busom powjedže wot srjedy, 13. septembra, do štwórtka, 21. septembra, do Lourdesa. Stacije su Gardaski jězor, Diano Marina při italskej rivierje, Monaco a Arles w Prowency. Dompuć powjedže přez měšće Nevers a Beaune w Burgundže. Nadrobniše informacije dóstanu zajimcy pod telefonowymaj číslomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowu puć 2.

Maćij Hadank